

#812·81
2734
21



978785

○○明監軍副使黃公墓誌銘

公諱蓋卿字翊明晚更號駱白世為清江人坐而軒

舉關美與熊文毅公化同學相得歡故文毅以女字

其子履中萬歷壬子舉於鄉屢試禮部不第嘆曰母

老矣欲丐微祿養吾親乃謁選得龍泉縣學教諭所

獎拔多一時聞人郭公維經歐陽公鉉並成名進士

卒死國難其尤著也崇禎戊辰改授衢州府推官衢

衝繁而俗險詖吏因緣為奸公釐剔宿弊殆盡上官

以為能使數署府縣官印既擢知宿州以將母弗起

魏叔子文集

誌

卷十八 黃公一

三

閉門謝賓客日過從惟文毅公及楊文正公廷麟曾

文忠公櫻而已文毅公仲子兆行負才節好度外士

嘗飲肆中見一偉丈夫與人語國變事慷慨髮上指

兆行心異就之談詢其姓氏則匹將蜀人周文彬也



公聞之延為上賓時楊文正倡義督師贛州兆行從

文毅開關閩海而公誓死破產募兵於閩皂山之麓

圖大舉南應文正會有告密者敵帥以突騎數千襲

公諸募人皆烏合不戰而潰公僅身免文正公特疏

題授監軍副使未幾閩中潰贛州城破文正公自到



而文毅公亦以己丑歲自經於家公撫膺大慟曰熊公得死所矣吾老無能爲乃遣履中艱難入粵命之曰汝僂力從王母反顧以終汝父之志吾死且無憾既履中授兵部主事粵西適潰竄身蠻獠中十餘年弗得歸公長子剛中嘔血死公鬱鬱不得志遂嬰疾不食及履中歸而公已死九年矣公卒壬辰十二月距其生萬歷甲戌五月年七十有九禧旣按履中所請兆行爲狀誌公作而歎曰嗚呼何其盛哉三百年養士之報臨江爲烈與宋末之吉安等予生晚不獲

魏叔子文集

誌

卷十八 黃公二

七一

從公游而嘗師事文正公與兆行爲兄弟交聞公之義而慕公也久矣公父我山公諱庸以公貴贈官妣

楊氏封孺人我山公好行其德萬歷戊子歲饑盡出

倉粟以貸貧者明年又饑則盡捐所負舉責者貧焚

其券方公兵潰時帥怒不得公縱火焚其屋三舉句

火皆滅人以爲我山公陰德公忠義之報云公初娶

關氏繼娶劉氏陳氏子二長剛中縣學生闕出次履

中以縣學生授兵部車駕司主事劉出孫二楷府學

生楫縣學生履中出某年月履中奉公柩葬某鄉銘

曰人之爲物百二十唯孝與忠永不絕死生揚熊齊
芳烈馬鬣之封高揭揭垂於後裔待時發

熊冕可曰連帶錯綜處法嚴而筆矯是深於左氏
者

魏叔子文集

卷十人黃公三

七二



○閻母丁孺人墓表

蓋聞婦人之德非必以奇節而後賢所遭出于天幸
尋常閨門之內蘋蘩之供乾饌之事建建為人所不
可及而必以幽貞柔順為之木故詩曰窈窕淑女
君子好逑是也克供乎內職屏以外無預事焉故詩曰
誰其尸之有齊季女又曰無非無儀醴酒食是議是
也若此者必能順其夫之父母而致漢愛于其夫終
身無辭語之及故詩曰琴瑟在御莫不靜好若此者
其生也可稱其沒也可表 淮安閻君再彭修齡之妻

魏叔子文集

卷十八

閻母一

七三

姓丁氏祖文恪公諱士美嘉靖己未狀元官吏部侍

郎贈禮部尚書父中憲大夫知姚安府諱有殷崇禎

甲戌孺人年十七歸再彭再彭早失母夫人時參議

公老在堂孺人內外家皆貴盛特柔謹孝事參議公

自奉養朝夕至視疾喪葬無違禮遇二女公女妹必

敬以和身撫杜氏孤女甥而厚龙奩具嫁之生平于

奴婢罕叱咤聲接內外姻婭無失色孺人諱仙窈字

少美行季性婉慧眉目朗秀知書明大體兼通琴弈

琴不由師授以意成譜妙合音節事再彭恭奉再彭

賓客酒漿久必飭夫婦相歡應得白首如年少人甲寅

八月孺人以微疾卒再彭爲之不食者踰日期年不

飲酒食肉哀踰禮閭氏故世家自高曾以下生忌日

皆祭每歲十餘舉再彭好讀書交游四方士孺人直

日必夙興潔觴豆肴蒸僅被立須再彭拜獻未卒前

十日一祭愆期日亭午孺人覺之恚曰吾爲閭氏婦

奉蒸嘗四十年未嘗敢失事何今日而遽忘之豈死

期至神不守耶卒成禮又七日曾祖妣忌力疾整衣

肅拜如平時又三日而孺人歿焉孺人一子若璩諸

魏東子文集表 卷十八 閭母二 七

生名于時女六孫三人詒樸諸生次訓慈議畧孫女

五人嗚呼國不幸而有忠臣家不幸而有烈女節婦

世當承平家無有不祥則閨門之內其以奇節見者

不一二數故論婦德者必以庸行爲先也孺人于家

無專制鉅細必稟再彭然遇事逢逢開陳義命再彭

性福每改容從之而孺人退益恂恂若不自勝者甲

申後孺人勸再彭應棄科舉學再彭遂以詩名平生慎

檢持畏物議不欲使有一言之過聞于人以自黜假

使孺人遭逢萬有一不幸其不敢私愛其身墮其名

節也。審矣。再彭哀過其喪。有以夫子與再彭若塚皆
有交。于是儒人葬四年矣。乃請子爲文表其墓。門墓
在吉家墩。距參議公兆西二百步。初再彭偕孺人上
先塋。憇此偶指一穴曰。他日與汝合葬。是今正其處
始。天定云。

吳崧三曰。全以議論波瀾爲文。而鍼線細密。使人
不覺此行文之妙變化於法者也。

迨曰庵曰敘次懿行全以零碎錯落出之。文便有
窈窕靜好之氣。

○常熟顧耕石先生墓誌銘

君姓顧氏諱柔謙字剛中居蘇州之嘗熟縣父府學生諱龍章取浙江龍泉令華公女祖奉訓大夫廣東提舉司使諱文擢取知贛州府張公女誥封宜人文學君性嚴羣季皆庶孽少年狂易諸小人蠱以爲非每見文學君輒恐懼汗下及文學君生君而大夫捐館舍未幾文學君亦卒家難蠶起先世所遺資產園林書畫好玩具以至祠墓之木皆盡君家對宛山幼嘗同兄出門游有數人擁之行行乃擠墮大澤中母

魏叔子文集

銘

卷十八

耕石一

七六

夫人忽心動急呼老僕往跡之得俱不死自是不敢更出遂得心悸疾年二十爲館甥于湖東譚氏補弟子員督學倪公元珙宗公敦一御史祁公彪佳皆器識君君自傷貧依倚外家不得奉母晨昏鬱鬱疾作歲中頻往還昆承諸湖風發舟且覆君長身多力自躍入水與舟子舁舟行疾遂大作君外父乃爲別置宅使君迎母以來君病于是良已及母喪一號嘔血數升勺水不入口者三日逾二年值甲申之變君哀憤往往形詩歌有殺賊有心爲厲鬼報君無路恨蒼

天之句讀者悲之君不妄交游以父執事馬文忠公
世奇師事舅氏華鳳超先生允誠而江陰黃介子先
生毓祺嘉定黃蘊生先生淳耀皆一見定交同邑徐
瞻洪先生澳於君尤篤諸君子先後死國難君皆設
位而祭爲詩文弔之哭盡哀君二子長祖禹次安世
安世先君卒祖禹時亦棄舉子業日侍君臥起見君
常閉門嘿坐或竟日不食祖禹叩頭寬譬君乃曰汝
能終身窮餓不思富貴乎祖禹應曰能汝能以身爲
人杙上肉不思報復乎祖禹應曰能君乃大喜曰吾
魏叔子文集 卷十人耕石二 七


與汝偕隱耳遂自名曰隱字曰耕石署其室曰伐檀
常中夜蹴祖禹起曰汝他日得志如舊怨何祖禹曰
每憶幼時祖母抱兒置膝上爲言家難及墮大澤中
事祖禹一飯不敢忘矣君曰嘻何所見之小也夫天
道春舒而秋肅吾家數傳以來頗稱盈盛以汝祖之
才而竟中折天也于狂且何尤且彼敗我家者曾有
勝于我乎吾力能賑之猶當衣食而覆被之慎毋以
前事爲念也且夫同室之中寧彼以非禮來吾不可
以非禮報往者吾外祖不能平一言于宮逮其黨薄

懲之不三年而外祖卒怨益深不可解此可爲後世
戒矣君生萬歷乙巳十月十有九日再乙巳愈所生
月二月有十日而卒將卒嘔血數升起坐謂祖禹曰
吾不孝無以仰承先祖死勿葬我祖塋之方言訖而
絕君家遭多難生產益落旣之甥館盡以讓其兄無
所取文學君未葬君積歲館穀獨力營辦所著有補
韻畧六書考定十餘卷和蚤草山中吟湖東雜咏鈞
濱集知非集平山稻耕石草藏于家手錄五經左史
古詩文數十冊祖禹博學善著書寧都魏贍客吳門
魏叔子文集誌卷十八耕石三七
見方輿紀要奇之曰此古今絕無而僅有之書也旣
交其人沉深廉介可屬大事相與爲齒序弟畜之祖
禹因出君狀乞誌銘禱不能辭謹誌其行事于右而
系以銘曰君少而孤長而病且貧晚而放廢其何辜
于天其非天也其惟人孔子曰不義而富且貴於我
如浮雲君之子知之葬君于芙蓉湖之濱而使禱爲
之銘

秦燈巖曰誌中敘不忘處激烈敘能忘處篤厚敘
固窮處堅確俱可爲百世法真寫生手銘語云其

非天也其惟人孔子曰不義而富且貴於我如浮
雲聖人知命之學等閒拈出吾輩所當書紳也
胡心仲曰末以祖禹結掉如鵲尾之決起氣力百
倍銘尤磊落多旨

時論或嘉泰之有
書心仲曰末以祖禹結掉如鵲尾之決起氣力百
倍銘尤磊落多旨
其天也其惟人孔子曰不義而富且貴於我如浮



○○○明懷慶衛經歷楊公墓誌銘

公諱作梯字雲路始祖善夫公元季爲御史大夫自魯遷秦涇陽縣之雲陽鎮七傳至綬公綬生鸞公鸞生肩公肩公二子長作棟次公也公多大畧善斷萬歷庚辰年三十嘗輸貨甘州甘州漢張掖郡也故設督撫節制諸戎開屯田中鹽商輸粟塞下督撫給倉鈔商執內地受鹽景泰間葉洪建改折議久之塞下荒商益困秦晉之商規避相鬪訟無寧日公始至秦商率詣公請所以決勝策公曰物不得其平則爭是相勝無已時也誠計賞輸官以情平之則秦晉人皆便矣衆從之明日上其事於督撫報可秦晉人自是不復訟公爲吏十餘年授井涇尉縣令馮公士淳雅重公邑有張的入李坤之室而遽持其妻謂之曰汝夫得吾金書婚券嫁汝矣婦爭不決里人以聞令公曰捕之此殺人盜也令疑不敢發公曰無媒灼而遽持其妻不親見坤死何敢爾至公呵曰汝殺其夫耶屍安在不承礫汝矣盜驚服蓋的與坤同盜他境殺之井中而偽書婚券奪坤妻也境內稱神明論報巡

敘教如目
見

方御史下教褒之署考得上上明年遷充東沂州吏
目吏目故事隸兵備道副使王公三德多病器公才
簿書悉決於公繼事朱公大典朱公特峻厲左右憐
憐懼得罪公事之當意朱公習兵完繕甲冑飾器械
公有力焉每歎楊楸幹辦才也惜居下僚不得展其
驥足耳崇禎壬午登州兵變朱公遷天津趙公建極
代之沂兵調征登州敗北盡棄其甲仗歸朱公更來
徵兵兵徒手行時兵官盈庭無言者公獨謂趙公曰
器械不利以卒予敵也而可徒手乎且昔朱公在事

魏水子文集 卷十八 涇陽二

衣甲器械勝他軍今徒手在其何辭趙公故儒者不
知兵事曰急矣奈何公曰第發之沂去登州六百里

古者師行不過五十里計十二日始達此三百里爲
滕縣山濶多材木遣吏往採之以爲秘三晝夜可集
調匠作鋒刃梯自督之軍行半塗可人授一械也從
之會兩兵未出境而吏取材還明晨發旬兵人盡持
械踴躍行趙公顧公笑曰克敵當以汝爲第一功矣
公年十七喪父事母仇至孝兄嫂並亾遺幼女撫之
逾己出女終身忌其所生公旣以內行推擇爲吏勤

孟子
出不知
夫

于職天性誠懇不設機事然事無巨細卒然臨之立
辨若素定者自作吏至爲官不欺其上苞苴不行朱
公嘗謂其門下客曰文官不愛錢若楊椽者近之矣
時重資洛公雖才無所施後遷懷慶衛經歷嘆曰仕
不知止將有後悔遂謝歸田里挈家之廣陵煮海以
自給享年七十三而終公元配張生子毓芳敏芳繼
室賈生子彥芳琦芳毓敏琦並名諸生彥高才蚤世
二配皆先公卒葬涇陽女一孫男十人曾男孫七人
女孫四人曾女孫七人年月日毓芳敏芳將葬公某
魏叔子文集 誌 卷十六 涇陽三 全
地奉行狀乞銘于寧都魏禧時琦芳亦卒而禧與毓
芳敏芳爲道義交不能辭爲之銘曰昔于公大門于
廷尉歐陽發祥于文忠所謂一命之士心存利物必
有濟于世者也天道報施夫豈爽乎公勤職庇民子
孫衆賢莫于幽室億萬斯年 帝格。在。有。說。說。并。妙。妙。

胡心仲曰體語峻潔全似龍門而重資格文官要
錢武將肖庸督撫不知兵皆和盤託出又絕無痕
迹真史筆也

○○文學陳君墓表

吳縣明祭酒韋川陳公六世孫勳吾爰徐君晟之中
表子行也介動奉其大父文學君狀乞禮表墓石按
君諱德滋字次振生萬歷丁亥八月父諱泰和祖諱
與時竝縣學生曾祖國學生諱造高祖諱霽字子雨
卽韋川公也九歲能屬文十歲補諸生中宏治丙辰
進士由庶吉士歷官國子監祭酒以首節先後忤大
璫劉瑾武臣江彬幾滅家祭酒公既歿天子篤念
舊學敕賜葬祭而吳郡鄉賢之祀闕未舉世久遠事

魏叔子文集

表

卷十八

陳君一

全

寔不彰君追祖父之志昌言於當路崇禎九年公始
得從鄉賢者配食學宮吳後進益知祭酒公為郡偉
人蓋是時公歿已九十七年矣人於是稱泰和公有
子祭酒有孫云君生平無疾言遽色事泰和公母蔣
孺人終身如孺子慕小不當意必長跪請杖色解然
後已家極貧嚴於辭受非其義雖一介不取然善會
計歲教授所得經營及中人產終堂上忠養滫髓未
嘗闕乏君兄弟五人長兄世龍早夭喪葬禮皆君獨
任庶弟妹各二孤姪一君悉撫養嫁娶竭心力為之

而泰和公臨歿有遺資君盡讓其兄子及庶弟毫無有所取君先世汴人出太丘令後宋有教諭公萬三從高宗南渡居吳之吳苑鄉元末天下大亂集鄉人建堡以守毋輕有所屬大祖高皇帝定江南乃率宗人歸義焉號曰上堡陳遂爲吳中著姓五傳而大發於祭酒公君以世家子好學問困諸生中久人皆爲君不平而君由由然也至與人期約不失晷刻相然諾雖久必踐性好飲飲一石不醉徐晟言嘗從家先生侍君飲自晨迄昏夜甚溫克終身未嘗見酒過

魏叔子文集

表

卷十八

陳君二

舍

享年七十有三至己亥八月考終焉子二人長之棟次之梁棟先君卒梁奉君葬奇龍山祭酒公賜瑩之旁爲狀以乞銘君孫男三烈之棟出勳熊之梁出女二女孫五

徐禎起曰此文本無聲色可悅須看其平樸中敘次生歿家世子孫行實出沒變化唯演於古法者知之

○○三原申翁墓表

誌墓非古也古之碑繫紼以下窆自孔子題延州之墓後世因勒死者名氏子孫爵里旣而飾以文章道德行稱勛伐然而其言實及其流也子孫絲飾以爲狀述作者因之或直紀所述不復考信又或益其所無增飾張大其所有以求悅於生者于是而古意燿然消釋盡矣秦中俗猶近古其人多樸直而言實三原申君大猷僑揚州往年歸葬其父倉卒未納銘于是因楊君聖藻請予追表其墓按狀翁諱文彩號林魏叔子文集表卷十八申翁一全

葬未內銘
故紀子孫
婚娶特詳
此表之變
備

軒七世祖時孟公官江西監察御使歷雲南布政司使大父世郭公父梧岡公諱鳳鳴妣張氏趙氏梁氏公梁出也元配趙生女一適王氏子二大猷太學生大梁早卒繼室張氏袁氏生女三人一適雷雨適秦大猷娶王氏繼室蘇氏於揚州崔氏於三原王生女一適程氏崔二子涵謙涵謹蘇二子涵詔涵譽女四人
人大梁娶沈氏二子長涵訓太學生次涵誠申氏自時孟公居顯仕世郭公睦鄉里好施周士之困濟人于饑寒以及橋梁道路皆能出已財求利益於衆樁

岡公寬厚無過言過動井里五尺之童無相欺給者
翁慷慨多義舉事嫡母以孝聞既抵揚州業鹽笑得
廉賈五利之術家以大昌嗚呼申氏之善凡可紀者
數世矣而大猷克勤儉慎守先訓以世其家子孫衆
多浸昌而熾謂非翁之遺澤長哉予因是而嘆世之
人莫不欲歸善于其祖父此孝子慈孫之情然前人
有善而彰彰謂之不孝無其善而矯飾之其罪與不
孝等蓋欺世盜名誣其祖父既貽先人以非君子至
世必不可欺則其名因而加損何者喜誠惡僞者人
魏叔子文集表 卷十八 甲翁二 六

之情人情不樂以美善歸人况矯而飾之則其不平
之情必將有所發大猷之言實合于君子足以詔後
之人余故不辭而爲之表云翁之沒也於廣陵墳星
在己亥月復在亥邇其生凡六十有四年三孺人皆
從葬在三原弟友里

楊聖藻曰誌表之文事多者難安頓簡者難鋪張
此文卽從事簡處發出至大至蕙之論可以警世
悟俗乃知作家于文無復有平淡題目也

○彭母溫孺人墓誌銘

吾友彭子中叔之室姓溫氏崇禎己卯年十四而嫁
越三十九年而卒享年五十有三初生男數人並殤
後生仁方仁立仁亦生女二長適李處士騰蛟之子
憲次許聘溫孝子苒之子景員某年月仁方等稟父
命將葬其母某地而仁立狀母行事來乞銘予與中
叔爲兄弟視母似行也不得辭母性澹約寡言笑嫁
時資奩甚豐悉聽中叔取與人後遭變亂家財服物
既盡中叔隱居又不事生產先人所遺田畝租稅出
粟水二文集 卷十八 彭母一 七
入徵賦及米鹽細碎皆母主會計默識數目不用簿
籍久而不遺忘日親操作常粥飯參半衣少完好者
親屬燕會多盛飾母唯一布衣垂十餘年而威儀自
若或笑之曰何乃朴甚耶母應曰人之視人以衣異
人耶抑以人異人也姑病痢日夜數十下家人莫近
母適患瘡瘍體過潰不能舉止獨強起就姑扶持浣
濯夜創甚惟偃竹凳自屈伸一聞姑起卽又起凡三
旬姑卒母事佛謹常齋居素食值生辰兒輩請作佛
事母曰汝父學孔子道敢以此相潤耶其孝謹如此

銘曰詩稱無非無儀禮戒無違夫子此婦人之庸行
家之常經也中叔中年學道端居以成其德子仁方
仁立並能文章有稱于前輩非母成之而誰哉是其
死且葬也可以銘矣

邱而康曰法度似王荆公

魏叔子文集

誌銘

卷十八

彭府二

八八

○○從叔父篤棐翁墓誌銘

從叔父篤棐翁諱純臣父崇璽公諱君悅祖抑所公諱于厚曾祖希簡公諱良宗高祖松隱公諱金秀抑所公配陳氏生子十人禧先祖鳴宇公行四崇璽公行五數世皆聚族而居先代以力田致富至希簡公益大嘉靖間歲飢捐穀萬石賑之朝廷旌其門賜冠帶希簡公乃建聖旨門鑿石鏤人物丹綠之高大如五歲兒門內建高堂廣室落地者于桂子孫繁衍邑人呼曰聖旨門魏門內旣析箸家相尚爲豪舉翁早

魏叔子文集

誌

卷十八 從叔一

五

失怙長試有司數奇更好聲色馳馬蹴踘相嬉久之家日落又遭世變革徙廣昌庚寅縣城破吾魏自大宗以下祠祭醮墓禮悉廢闕先徵君獨倡諸宗人修復之念非翁無與助理者乃折柬招翁歸故里翁歸日與先徵君同心經營自大宗以下祭醮禮悉復次第秩然過承平時不五年先徵君卽世徵君生萬歷丁酉年五十有八翁生己酉年四十有六徵君病篤翁日來省視彌留執翁手以祖祠未竟事相屬曰弟方強健性爽直足服衆其勳爲之于是宗人大小事

咸○走○屬○翁○翁○亦○毅○然○任○之○勞○苦○怨○責○不○辭○也○翁○長○子○
才○治○煩○劇○不○勞○而○理○善○會○計○時○翁○家○驥○驥○起○復○其○故○
業○而○更○爲○大○小○宗○拓○祭○田○義○倉○脩○祖○祠○之○廢○墜○始○祖○
之○祖○父○墓○在○廣○昌○二○百○年○不○祀○翁○出○私○田○百○餘○石○供○
冬○至○祭○宗○人○皆○服○焉○大○宗○譜○二○百○年○未○脩○翁○稱○徵○君○
遺○言○命○季○弟○禮○獨○秉○筆○禮○行○卑○宗○人○有○不○便○欲○相○齟○
齟○者○翁○輒○擱○然○出○聲○色○直○之○得○不○撓○翁○好○面○折○人○然○
樂○施○予○人○有○急○雖○所○惡○必○出○力○爲○之○故○嘗○罵○人○而○人○
不○恨○也○晚○年○好○佛○脩○齋○誦○經○以○爲○常○日○關○內○典○參○悟○
魏○叔○子○文○集誌卷○十○八從○叔○二左

有○得○著○爲○偈○享○年○六○十○有○六○以○疾○終○配○陳○氏○性○婉○淑○
長○齋○數○十○年○少○翁○二○歲○事○翁○謹○毋○敢○忤○顏○色○翁○多○妾○
媵○悉○以○姊○娣○畜○之○先○翁○一○年○卒○二○子○際○登○縣○諸○生○蘭○
武○學○生○皆○母○出○孫○三○人○會○清○登○出○會○寧○會○樂○蘭○出○曾○
孫○二○人○家○學○家○聲○會○清○出○初○抑○所○公○墓○背○有○他○穴○爲○
無○賴○子○所○得○每○歲○以○鉞○鉏○芸○草○故○傷○馬○鬣○翁○經○營○得○
之○遺○命○二○子○輸○于○祠○立○后○土○焉○二○子○既○合○葬○翁○毋○某○
地○來○屬○禱○爲○銘○禱○謹○誌○其○大○畧○再○拜○而○銘○之○曰○自○吾○
父○之○亾○也○祖○廟○之○事○翁○實○代○之○自○翁○之○亡○而○代○之○者○

誰○乎○翁○于○子○姓○多○嚴○直○而○遇○禧○兄○弟○則○委○曲○而○有○禮○
意○將○以○爲○能○繼○吾○父○與○翁○之○事○也○豈○知○其○非○乎○九○原○
可○作○吾○非○翁○其○誰○與○歸○乎○南○望○馬○鬣○能○不○涕○下○而○心○
摧○乎○空○祖○宗○之○相○之○卜○厥○吉○土○俾○爾○子○孫○千○億○不○衰○
乎

門人梁份曰只家庭尋常事叙之奕奕動人

魏叔子文集

誌銘

卷十八

從叔三

左

○宏齋邵君墓誌銘

君諱睿明字先士父國輔祖諱棟曾祖諱彥君爲人
孝弟謙謹藹藹然與人無所忤少穎慧稍長王父授
以小學性理大全諸書卽畱心讀之長以文名邑中
邑中人爭延爲子弟師先後受業百許人君有兄爲
邑吏及禍破產不能自贖君傾私產脫之兄歿撫其
孤爲婚娶教之崇禎癸未補弟子員年二十有九其
後與同邑謝約齋文海講學程山志聖賢之道以造
就後進爲己任更號曰宏齋君生平以禮自處晨夕

魏叔子文集

誌銘

卷十八

宏齋

七

所接人必衣冠敬肅或犯之不與校雖險夫壬人一
以誠恪遇之往有不遜于君者罹大禍君以爲非罪
力脫之故南豐士稱長者必首君焉君年六十有二
以疾終君娶彭氏子三善時善平善暹君之少也與
程山甘京爲文會京王父白水先生愛其文召見之
退謂京曰此子不獨能文其德器汝良友也謝約齋
曰君之病似在不毅不在不宏君曰惟其不宏所以
不毅君性虛受樂規諫其爲學切己類如此某年月
君將葬某地其門人梁份介善暹以狀來乞銘予與

君友也不得辭遂爲之銘曰君冲以和合於土之德
惟君之神永無斁。

甘健齋曰文字端樸與宏齋爲人相稱

魏叔子文集

誌銘

卷十八

弘齋二

三



甘健齋曰文字端樸與宏齋爲人相稱

魏叔子文集

卷十八 弘齋二 三

○○孝廉曾君墓誌銘

君諱益其字仲能爲人儉朴端靜能忍辱鄉里推長者系出東魯曾氏父諱某生七子君行二十七歲出就外傳勤于學家人每以事使之慍不肯去塾師奇之十歲爲制舉藝成章君質魯早誦文十數行不能記至十四五歲記文輒十數篇乃及朝食人謂勤則生敏里父兄恒以勸其子弟云受業楊一水先生最奇其文先生門人半邑屋多貴達每爲鄉先進稱說曾壬或隨行于道先生輒指謂人曰此吾嘗所說曾仲魏叔子文集誌卷十八孝廉一告

能也人爭目前揖之崇禎丙子君年二十六舉于鄉寧都同舉者四人君最高等君家衆頗外生事君不護且戒之勢有不獲已必委曲自刻責求無得罪于鄉里父母沒哭泣常至嘔血三年不妄言笑喪葬皆獨力營辦君所置資產器用婢使悉爲庶母有之君不敢較戊子己丑間邑大亂家人各竄走君奉母及妹避北鄉寇猝至母妹不能行而君故有疾足右短難登下君勉負母牽妹以走常爲寇所及三人相對泣寇至則漠然過之若不見有人者鄉人同走者皆

驚歎以爲孝友所感云庚寅縣城破君若居特親詣營將請箭遍行營中呼曰吾某人也親屬在難者可出認遂傾資贖弟姪姍戚二十餘人并內人簪珥充之同若某爲郡將所執拘君以隣好往視之某屬君言于將暫釋外往辦金不許則君請以身爲質逾期久之某不至君端坐營中日與卒囚處人相雜杳未嘗出怨言見憂怒之色郡將大怒曰此誠非人公真君子也重爲之禮遣卒護以歸君娶羅氏三子長宗播次宗藝縣諸生次宗牧宗播娶諸生楊君日新女魏叔子文集誌卷十八孝廉二奎

子姨甥也宗藝娶諸生盧君暹女太常公達曾孫吾邑里民所稱盧聖人者也宗牧娶子伯兄貢士君際瑞女生女二長適御史溫公國奇孫某次適貢士楊公文彩子諸生晟楊公卽受業師一水先生君特以愛女妻晟謂家人曰吾用此報師德孫九人長師愿以諸生補國學生宗播出某某宗藝出某某宗牧出初君之舉于鄉也子伯兄新補弟子員年少晟氣兩家家人爭痘師相毆于途益詣令時君遠出伯兄斥君名大罵縣治門君歸聞之勿問也及將聘宗播妻

楊先生曰得毋以魏氏爲嫌乎君曰何哉魏氏父子兄弟皆君子吾正欲以此相附麗捐怨修好耳其後更令三子並從學勺庭誠之曰吾不敢望文學但得聞孝弟仁義之訓自立爲人足矣久之同僑翠微峰伯兄竟以女女其幼子焉予又嘗見邑強宗豪生率其黨面斥君名罵君于學宮君不怒亦不怖色從容躡步歷階上矢其誣于先師不答一言而出他日亦與爲友善若初十是事也君好學寒暑晝夜不輟而不好著述師友所著必手抄錄評點一字無遺生平魏叔子文集 卷十八 孝廉三 矣

讀書未嘗出聲終日端坐家人竊從戶外聽之寂若無人治家嚴實客吉凶事雖童婢不敢至屏而窺性善飲酒大醉不亂晚取曾子曰省之義自號曰三乎君享年五十有九以病卒在己酉某月其葬也在某年某月卜地某處首某趾某時宗播卒六年矣宗藝宗牧師愿再拜請誌君墓而并爲之銘銘曰君視天下之人己皆弗若也是以退然謙而能攝天下事之難勝也是以密然靜居而無爲其知人善容也是以鄉里之譽翕然歸之噫嘻此其所以可銘也哉

門人楊復晟曰寫醇德處如生較寫奇氣如生尤
爲難工矣

魏叔子文集

誌

卷十入 孝廉四

六七

文鏡工茂

人必欲其
日深清奇
或本好寫
奇氣或本

○○楊母徐孺人墓表

孺人姓徐氏明崇禎戊辰選貢生楊一水先生之側室也性慈勤事嫡謹未嘗有過失先生他妾數無禮于孺人他日以罪出遣子昌數歲命孺人字之多疾瘡疥歲被體孺人與同寢處愛養如己出子孫奴婢得罪未嘗疾言厲色也先生負大名於時多賓客游從孺人獨主中饋不假手婢使雖勞未嘗先人而食年二十七生子出腹殤又六年生晟晟長賢且能文貧多交游孺人拮据飲食之無厭怠如先生在時而孺人勤女工無寒暑執鍼察綫至雞鳴不輟老未嘗自休晟嘗以甘旨闕爲憂孺人勞之曰汝但能作人雖終身粗糲無妨也歲己未二月孺人無疾而終距其生壬子七月享年蓋六十有八子一晟縣學生今名龍泉孫男三嘉枚嘉梁嘉禎孫女一孺人爲鄉飲公女初適某氏不祿貧且無子不能自存活先生聞其賢能治家乃更娶焉孺人旣歸先生從容垂涕籲獻而告先生曰妾不幸以至于于此雖改事君不敢忘其故念某氏貧無子其鬼不食墳草不除將不守矣

歲清明。妾敢私遣人掃其墓。致酒漿。亦君之德也。先
生愴然許之。自是終孺人之身。歲掃祭不絕。君子於
是悲孺人之遇。而嗟其用情之忠厚。賢先生之明且
達也。門下士魏禧曰。嗚呼。士享高爵厚祿。一旦革於
天命。視其故君若仇。讐然惟恐一言及之。甚或出詈
言惡。非相加者。獨何心哉。晟將以某月日奉孺人葬
某處。請禧表其石。昔范文正公從母適朱氏。旣貴。疏
于朝。推恩母之後子。蓋不幸而遭其變。賢者之所不
諱也。矧變而委曲以近乎。正若孺人者。可以感矣。是
魏叔子文集表

表

卷十八

湯母二

完

用書于石以貽後之人

顧景范曰。此特達卓犖之文。爲表誌。創體然須看
其婉至纏綿處。

○○○通判謝君墓誌

君姓謝氏諱大茂知湖州青蓮先生之孫國學生文
圃翁第二子也性感慨輕財產好義爲易堂諸子所
重翁早歿兄弟分受器玩細服君每取其下者兄弟
所愛則又輒易之

嘗從同邑友人兵部職

方司主事會傳燦督

至茅店合戰四營

兵潰走雩都燦率胥役夫二十餘人屯江上不宥去
謂君曰我授官歿其所也子速行毋及于難君艷然
曰子能歿君我獨不能歿友且此亦君事也遂共守

魏叔子文集

誌

卷十八 通判一

古

江上一晝夜會追兵至不及三里而反督師楊公廷
麟以軍令檄之歸手書勞燦曰此古大臣風烈不謂
門下年少輒如是而君亦由此知名分守湖東道南
昌彭士望言于楊公公同少司馬會公應遴題授監
紀通判時燦年二十有二君年二十有一越四年庚
寅以暴疾卒于翠微山中易堂諸子喪之如兄弟焉
君少時性狂癡不脩行檢頗畏見賓客而獨善其姊
婿魏禧文圃翁之歿也禧治喪其家因謂君曰天下
方亂而子早孤當交四方賢士以自立值禧友李騰

蛟過禱禱語君出見君不肯急掣其手則抱楹柱而
蹲禱乃擲手大罵曰是尚爲人殆不及吾奴子遠矣
却立瞋目視之君徐起前謝遂出見自是盡交禱四
方士諸魁桀不羈以遺行聞鄉里者禱不敢輒交則
必使君先試之君卒禱號曰噫吾折一臂矣君亦嘗
自言吾固願爲魏叔子歟也君歿之月葬南郊螺石
山廂旁之原又十一年辛丑季冬其兄弟爲修墓乃
立碑君字子育禱以君性剛于其參四營軍事之年
作曲齋說奇之遂以爲號子萬焜

魏叔子文集

誌

卷十八

通判二

頁

汪玉仲曰交四方賢士以自立是叔子最得意語
謝君一生最得力處篇中序列曾彭諸公無非此
意却出之若不經意妙絕妙絕

兄善伯曰所謂小疵小癖反見大意者也人得一
端即可不朽文得一端則與其人俱傳贊人而必
求備則獨至者反爲浮美所揜惟子長得此意故

極文章之妙

邱邦士曰此文何減太史公

○○彭謙六禍文

吾姑之女之第六子曰謙六姓彭氏諱仁亨年二十七而歿其父公遠君擇日將葬之其地使其第五子仁上來請銘予之幼也愛親前輩及衰老又愛諸年少有德器才能者甚篤其或困躓天亡不得長遂其材質往往痛惜之若親子弟吾于謙六其何辭謙六行六性溫然和易易象曰謙亨公遠君是以字之人以爲古人名字與行茲稱者此庶幾焉謙六事父母孝謹和于兄弟性敏善讀書好友與之交者久而無嫌病三年未嘗有遽言怒色初娶曾氏兵部侍郎曾公應遴孫女再娶蔡氏並無子謙六將歿兄問汝何言謙六垂涕對曰余不終爲子以歿累老父母敢爲身後計乎且踰一二年父母壽各七十有一余方謀稱觴具而不得獻命也他日飯僧寶筵諸費毋以我歿而不徵諸我則九歿不足贖吾罪矣兄又問禮當立後見輩意何屬曰惟父母命然諸子長大者與吾婦無恩同居七弟次子存詮周一歲吾婦常提抱之可乎遂歿歿之先一月子往視疾謙六出見予溫溫

如平時嗚呼謙六祖父世家鉅資產當平盛時奉養
比封君而謙六生後國變九年家殫日落未嘗媮衣
美食享一日之奉獨能以文雅繼諸父兄有稱于姻
黨可不爲長太息哉予是用銘諸墓碣以待嗣子存
諄之長而有識也

溫臣雲曰謙六曾及子門側儻負氣節不幸而貧
賤以至于夭歿命也先生爲謙六碣文一起一序
一結情意婉惻予不忍竟讀婉而多風惟歐陽公
有焉

○○謝太學君墓表

南豐謝氏自南宋堯仁公居於豐十五世而爲太學君世稱程山先生者太學君子也躬行講學於程山先禛交最篤故知太學君家世詳君以上多聞人二世處厚公與堯仁公並有文名三世之純公以孝友醇儒著四世霜崖公登宋理宗朝進士令石城縣禦寇以才行聞於時四世具載縣誌十三世爲君祖邑大賓豐石公有長者行君父行所公縣學生端厚爲諸生所矜式生三子而君長君生萬歷己卯四月距魏叔子文集表卷十八謝太學一五

其卒享年六十有七君性內慈祥而外嚴艸角時蒼頭趨走奉唯諾惟謹喪父喪盡哀榻榻絞衾必誠信服除游學南雍君美儀容嫻於進止雖王公從容議論如儔輩於是叔出嗣伯父季幼君獨理家政權子母財然一歸之太母季長均授無私焉故季壯事君猶父季死君經紀家事撫其子如子君既饒於財好作橋亭諸利人事獨僧道以營造請者謝不應歲旱貸粟饑人不取其息晚年負責者多至于百守空券或謂此君家圈牢中物君笑曰果有是當爲吾賢子

孫耳君之卒也爲

乙酉九月時義兵羣盜

並起所在持白梃掠人諸子草葬君奉母竄西鄉倉
皇不知所往土人慰勞慙慙具盤殮掃榻迎居家人
怪之乃曰吾常鬻薪炭於城大姓多虧吾值君家價
足而金良是以懷耳其後歷奔田舍皆各道君德供
具如前人嗚呼無言不售無德不報君自行其理所
當然非有異恩殊惠以市於人而子孫流離死生之
際乃食其報也君諱天錫字振南初游廣昌之香山
愛其形勢自號香山居士其後諸子以遺命改葬焉

魏叔子文集

表

卷十八

謝太學二

百

取揭氏繼室何氏傅氏側室毛氏生子六人長文游
卽所謂程山先生也明縣學生國變棄去次文波文
澂縣學生次文瀚文洪文洪孫十四人曾孫四人文
游言先君雖治家事而好讀書尤喜堪輿家言自京
省郡邑山川支分派別言之井井家藏書千餘卷悉
手閱游幼時嘗命冬夜供杯茗漏將盡居人寂然茶
灶火灰燼游鼾睡頭觸屏風醒猶見雙眸炯炯坐篝
燈下卷帙整肅吟誦不倦云君之葬在某年月不及
納誌石而封故爲表

彭躬庵曰叙世系變化序行事
風神灑灑

○○中書涂君墓誌銘

君諱斯皇字宜振南吏部尚書後如公次子也曾祖
諱宏祖諱朝敬父諱國鼎母夫人鄧氏側室程氏生
君世爲建昌之新城縣人新城涂鄧二姓最强族仕
宦田宅相倚勝而尚書公特執謙以恭儉教子孫子
孫恂恂鄉里世以爲有漢萬石君風公長子斯邵君
渾厚生子大諫大詠大詵皆賢君幼穎異長博學能
文尚書公奇愛之弱冠補弟子員宏光乙酉以恩授
中書舍人既隱居不交當世益肆力古學放情于詩

魏叔子文集誌

卷十八

中書一

夏

酒每飲必醉然罕見酒過與人悠悠無忤雖下走未
嘗疾言遽色也筦家四十年常出財與諸子緩急人
而錢穀征稅無所知悉以委大諫與南昌林時益寧
都魏禧爲兄弟交所著書史論最名常與禧著論同
板行禧兄祥舍而序之新城地連閩界甲寅乙卯以
來亂最劇君轉徙江閩間流離亂定返故鄉戊午七
月以足疾終于寓室元配鄧氏有賢德先君卒君
無子序應立兄子大詠而詠詵皆先君卒于是大諫
暨大詵之子尚舉等告于尚書公之廟使詠子尚崧

八人爲嗣孫焉。方君病篤，與禧六年不相見。屬禧門人趣使來一言，禧以先兄兄子之哀疾，甚不得往。而君且死矣。君享年六十有三，將葬，大諒迺率尚崧遣使乞銘。嗚呼！君令德閭里，無少長敦薄，莫不誦君四方士至者，必歸君而莫不惜君之無子。君平居日飲酒賦詩，讀書，若不介意。禧交君二十年，未嘗見其戚戚之色也。君當事，會或以義聲凌取君，貴至困乏。君皆委義命退，而無怨言。其明于大義，有如此。嗚呼！禧不知君之所欲一言者何言也。于是欲獻掩涕而有手足復于土，長壽以永久。

邱邦士曰：法最緊嚴，而筆墨間若有餘閒。

○○先伯兄墓誌銘

伯兄諱祥字善伯所居房介東偏又長子有震之義
因號曰東房先徵君生子五二五殤東房爲長次禧
次禮並先母曾孺人出以萬歷庚申六月二十有四
日生伯伯幼能屬對長而強記於聲音字學不假師
授輒能造其妙年二十所著詩辭古文已三尺許十
七補弟子員爲郡守所厄改名際瑞二十二崇禎辛
巳督學侯公峒曾愛其文拔置一等餼又合贛州南
安士試異才公奇賞之以冠三郡伯試屢高等然心
魏叔子文集誌卷十八伯兄一 五
厥時文不肯學私謂禮曰汝自取功名酬二親我爲
閒人可也甲申國變丙丁間禮禮並謝諸生兄躊躕
久之捐心歎曰吾爲長子祖宗祠墓父母尸饗將誰
責乎乃慨然貶服以出寧都亂民橫據城市稱義兵
禧等奉父母居翠微山庚寅春韞檄兵十萬圍攻之
城破屠掠幾盡結砦而居者科重餉禍且不測伯獨
身冒險阻任其事屢瀕於危翠微峰得全而伯以才
名爲當路所推重督撫大帥皆禮下之自是諸隱君
子暨族戚倚伯爲安危者三十餘年甲寅廣東滿王

遣使來聘強之行禮以上賓卒不合竊出嶺至信豐
界爲滿洲邏者所得上于攝印官官曰汝與寧都三
魏親屬邪伯曰身魏善伯也攝印官乃悉燒其同行
者雜文字具讞書遣至贛贛大帥見伯名大喜躍履
出握手相與入遂畱爲客時丁巳二月也四月吉安
韓大任潰圍走凡兩竄寧都之上鄉兵寇十萬邏至
蹂躪甚邑饋餉不支當事議招撫久未就而大任自
言非魏伯子吾不信也當事以屬伯伯旣痛桑梓之
禍無有窮期又所聞大任頗爲當世豪亦欲有以全

魏叔子文集

卷十八 伯兒二

頁

之遂慨然行八月甫至江西兵遽從東路逼大任營
大任遂疑伯賣已辭不見又有奸人欲牽率大任降
閩軍以自成功名者遂日夜搆於大任大任旣敗十
月十四日拔營走降閩伯遂遇害年五十有八嗚呼
痛哉人孰無死伯之死天下士有不盡知其心者或
以爲真官賞或以爲欲立功名哀哉時禧方客維揚
禮同伯男世傑夜走上鄉奉遺體歸殮於翠微山下
細驗隱處瘡癩跡皆是世傑乃大踊拔小刀自刎人
奪之至再遂奮拳捶胸腹死血下痛僮僕二十日而

死伯娶邱氏生子女十許人子存者唯世傑縣諸生
女二一適季廉曾君益其之季子宗牧一適易堂明
諸生彭君任之仲子仁立孫男三家桂家駒家棟孫
女一家駒八歲後伯兄死二年殤伯爲人伉爽強急
愛人而嚴於疾惡人觸其性若雷霆之發不可禦然
每能自屈於理理勝者雖子弟之言必俯首而伏好
誹諧嘗與兒子行戲謹時或迂謹如先輩愛敬君子
與同邑李子騰蛟邱子維屏南昌彭子士望林子時
益八九人結易堂爲至交心之所是必吐於口間以
魏叔子文集誌卷十八伯兄三見
語得罪先妣妣前批其頰伯側面就承之然終不能
不言也篤愛二弟晚尤謂禮爲有用才其勞苦客外
所得脯脩恆分二弟濟其困性嗇於財凡當與者亦
不吝也最不肯以一毫干人客潮州總兵劉公伯祿
時主者忿潮民不下克必盡屠殺之伯力言於劉劉
叩頭白主者三乃免有仕宦羈潮者法將就戮伯力
生全之其後爲江西大吏伯值鄉試不往見或歎其
高伯曰高則吾豈敢彼不索我而我索之得母以慚
而怒乎吾但於人情爛熟耳其容學士范公承謨所

相得甚每告歸公以病要之輒爲止旣三年去而公
貧曰吾當作書數十函致方面大吏以資君伯笑曰
吾未貫也不持一字行及公撫兩浙蠲荒賑飢諸大
事所全活數百萬伯左右宣力爲多焉初伯以貢士
試北雍滿漢諸貴人多暱就伯名動長安中間以事
出關抵承平聞鼓吹聲人言朝鮮使者來矣伯趨客
館望之立叢人中使者冠網巾幘頭縫掖京帶如故
官忽下馬於叢人中把伯衣入館曰我兵曹佐郎鄭
嵩也君非此間人殆中國奇士因躄踞以炭画地相

魏叔子文集

卷十八 伯兄四

五

問答使者至流涕引入內室見其父更以墨筆書紙
酬對至天明使者取伯文集一冊去曰我當版行敝
國使知中國有才子也贈產物扇墨之屬相灑淚而
別語詳朝鮮使者問答紀伯才名蓋爲中外所推重
如此所著有魏伯子文集十卷五雜俎五卷行於世
子嘗謂世傑曰吾兄在潮浙有大陰德然負才不試
子孫必且昌汝曹其善承之嗚呼豈知吾伯父子之
至於斯也憶伯他日嘗謂予曰吾性疾惡而殺機太
盛其將不獲良死乎今思其言猶有餘痛禮禮旣擇

日卜地而葬予將銘墓石執筆貿亂不能文凡三數稿乃就嫂先兄卒三年葬黃觀山別有誌不吉更附葬兄某年月日叔弟禧叩首叩首技淚而爲銘日嗚呼蒼天何爲也哉作善降祥作不善降殃謂之何哉天不汝佑人不汝知唯地厚德尚其永載之俾汝孫子萬年。

彭躬庵曰簡健得古史體其提掇起結穿引法最微渾銘道激擢絕不可卒讀通篇不苟一字不欺一字斯賢者之文雖天親大難不遷也入朝鮮使一段映帶尤見本志須於無文字處感觸得之

魏叔子文集

誌

卷十八

仙兒五

五

○ ○ 兒子世傑墓誌銘

世傑字興士父諱祥母邱氏大父徵君諱兆鳳大母曾氏曾大父諱嘉謨妣劉氏庶妣黃氏徵君黃出也兄嫂生子凡七八人唯世傑成人年二十八補邑弟子員性亦不好時文而嘗從予學古文辭頗能得古人門戶所著有梓室文稿數十篇詩百餘首已版行歲丁巳十月十四日伯兄旣爲韓大任所害時予客廣陵世傑從季父夜奔上鄉奉遺體以歸殮於翠微山麓其初訛言不一及細驗私處皆合世傑於是長

魏叔子文集

卷十八

兒子一

五

號踊而呼曰天乎天乎拔佩刀自剄人強持之者再遂握拳搗其胸死血入少腹腹痛僂不能立呼號二十日死蓋十一月初五日也距其生年三十三先是三年嫂以病終翠微山自初喪至虞世傑直坐立處淚滴地下皆成泥至是又以死殉父世稱爲孝子不誣云世傑幼慧五六歲應對進退如成人負志氣好大言祖父每每戒抑之嘗隨予臥起登牀必自摺疊所著衣天明自著之襟帶楚楚不亂家人皆歎羨長有才具能四應子每謂勺庭之門他日可獨任事者

傑其選也傑娶盧氏文學君士遲之長女太常公遠之曾孫也生女一許字李君竹孫之子某子三家桂家駒家棟予得訃奔還慟幾絕念諸孫無師身自教之爲句讀訓詁明年更就外傅家駒年八歲醇飾有成人度予甚愛之七月病殤予視殮山下夜淡不得坎土而埋時吾兄父子皆停棺山麓爲斜屋覆之是夜舉榭入屋中祖孫三世橫棺交錯一慟腸爲之斷傑生乙酉當崇禎甲申後世大亂襁褓以走山谷者數年及其歿又當東南之變奔走險阻無寧處蓋其魏叔子文集註卷十八兄子二星生與世亂爲終始云今舉喪附葬吾兄之側因次其生平而爲之銘曰汝以季成名其不爽矣汝德業未成而死則罔矣汝魄依父母以悄恍矣汝與父羅其因先世之德汝後嗣其饗矣言信而有徵石視諸掌矣

附彭躬菴先生書後

余乙酉來寧都丙戌興士生始晤坐余榻上匍匐就口食眼光奕奕射人爲見益慧言次見鋒稜余篤愛之如所生比長成立余爲評序其古文詩版行推爲易堂後輩第一人三十年不遷也已未春余猶遠客長兒厚惠奔告始聞東房遇害興士以痛父踵歿時山居客滿坐余失聲長號慟不能止客語或侵東房余推其心辯之甚力比歸悉聞事

曲折且多湊誤益心哀之而與士痛父志不能白
欲以頸血濺皇天后土俾天下後世疑而哀之以
求口厥父之志謂閭閻之可排而豐隆蜚廉之可
挾以昭布天下視其身如蚍蜉妻子如蜉蝣醢雞
曾莫之顧此孝子之志也余嘗欲為與士作誌銘
未就叔子既成示余因記其後余與邦士暨叔季
之言令自欺其心以欺天欺世雖父母不敢出與
日當必有知東房者而與士固未死也南昌友伯
彭士聖識

○陳翁墓誌銘

君姓陳氏諱植字心槃先世光州固始縣人宋末始祖諱繇者扈從端宗幸福州有功授兼管海道之職值蒲壽庚作亂乃棄官卽泉州之石湖島家焉泉州屬縣七以同安爲壯縣同安五島禾山爲勝石湖又禾山之勝海四面環島而環湖皆石可畊可漁足遺世之樂故自海道公至君父望江公凡七世子孫衍者人八百有奇皆聚族於斯久而不去云海道公四子仲曰真富真富公二子長曰興士興士公二子次魏叔子文集誌宋文 陳翁一 五五

曰孔立孔立公五子五曰志純志純公一子曰存寬存寬公二子長卽望江公繼奕繼奕公七子君爲叔按君少年卓犖有四方志居常鬱鬱海島中年十五卽浮海走吳門以懋遷爲業僦居南濠一廛以誠信聞於人故賈客歸之如流水利日以饒爲人仁厚謹默謙退有士君子之風於財利毫髮不敢苟頗能以其贏餘衣食人濟人於患難母鍾性嚴毅偶觸其怒輒予杖君和顏受之不敢忤身服賈於吳而歲時郵寄不絕甘旨無闕焉崇禎末天下亂泉州道阻絕時

君父母皆卒。柩停石湖。每念及爲泣。然泣下數奮。身往終不達。庚寅病卒於吳門。距其生年六十有三。時氣絕。將受含。忽哽咽有聲。目不瞑。子元鳳痛哭撫之。曰。大人所以不釋然者。豈非以祖父母柩停海島耶。兒在毋憂也。遂瞑。蓋君死不忘孝如此。娶李氏爲吳中望族相君。以成家性節儉。自奉至薄。而能推有餘。以及人。聞翁姑喪。渡海且至。吳焚香籲天頓頽。而謂元鳳曰。嗟乎。惜不令而父見也。然兒自是可以見而父矣。母享年七十有八。以壽終其生也。後翁十有二。魏叔子文集 誌 卷六 陳翁二 夏六

年其沒也。後翁二十有七年。其壽蓋過翁十有五年。云。男子六人。元龍聘氏。繼取張氏。元鳳取欽氏。元麒取何氏。元麟取姚氏。元鯨取袁氏。元鸞取張氏。女四人。嫁娶皆大族。孫男十五人。元龍出者一。秉璽。元鳳出者五。秉璠。秉璋。秉璧。秉珩。秉瓚。元麒出者一。圻。太學生元麟出者一。秉珂。元鳳第三子。秉璧。嗣元鯨。後秉璿。秉璣。秉琳。秉琬。秉琰。秉珠。秉璞。元鸞出孫女七人。曾孫男四人。女四人。丁酉四月。元龍旣卒。元鳳等將奉父母合葬於吳縣吳山西律字圩介。其賓陳

君瞻一來乞銘於是敘次行事而爲之銘曰起乎蠻
貊行乎州里太史公有言誠一之所致死而不忌其
父母之縣棺於絕域君之子式穀似之閱閱皇皇厝
君於幽宮而又銘其石於以見君孝友之世德

蔡九霞曰文以樸勝而於陳氏之孝處摹寫淋漓

○ ○ 襄陵大學喬君繼配史孺人合葬墓誌銘

君諱承統字繼之世爲山西襄陵喬氏父養冲公生

二子君爲長弱冠能屬文補襄陵附學生再試高等

補增廣生尋入太學養冲公舉鹽筴于揚州太母老

不能從以太學君孝謹遂留侍養太學君朝夕進食

唯敬句具水陸之錯太母卒棺衾費舉喪之禮皆獨

身任之或謂君有諸父諸兄在君曰吾盡吾職以不

負吾父可矣豈得藉口諸父兄哉既養冲公沒揚州

君聞訃哀號奔赴喪盡禮而君亦遂棄科舉業留揚

魏叔子文集

誌

卷十八

喬君一

專

州爲居積君性好施見人之厄必周族戚之貧無告
與婚喪不能舉者咸仰給君君亦久而不倦也君有
姑適王氏而寡貧不能自存君懼其無以撫諸孤于
千里外給食飲衣服歲歲不絕乙酉之變君自揚州
避地金陵當事下令凡所俘揚州女子許其家以金
贖君聞故舊婦女多在俘中乃遍歷諸營訪求之傾
囊贖以歸其家蘭村王章喪母賣子以市棺盜竊其
金去章無措號泣將自盡君見而哀之倍與以金並
使贖其子曰以殮汝母無復使汝更念汝子也其濟

人于困多類此然終不望人報有來謝者君必以溫

言慰之享年六十人咸惜其蚤世云元配姚氏先君

十七年卒繼室史氏後君二十五年卒姚孺人之卒

在崇禎己卯附葬襄陵祖塋史孺人卒揚州遂同君

合葬于儀真君之歿也史孺人數日不進餽粥終身

不御華飾之服曰未亡人何以此為時子熿等皆幼

家難日至孺人當之恬然曰吾夫急手足誼吾寧忍

以夫死而背之乎卒與和解而罷又嘗戒諸子守儉

以崇德紹先業及淮南饑則命熿等置布絮衣窮者

魏叔子文集 卷十八 喬君二 夏

巡鹽御史賑粥揚州又命歲出銀數百兩以助賑曰

此亦汝父之志也男三人長熿淮安府學歲貢生候

選教諭娶裴氏次煜娶楊氏繼娶史氏次燭早卒女

五長適臨汾文學郭必昌次適候補州同知吳榮芝

次適姜君齊翁子鹽城諸生逢乙次適知蘇州府高

公蒼崖子國學生宏奎次適恭順侯吳公實宰長子

本善唯長女姚孺人出他竝出史孺人孫男五人長

鶴徵以國學生舉戊午順天鄉試次麟徵燠出嘉禎

瑞禎祺禎鴻徵煜出曾孫一從修鶴徵出崇禎間兩

淮鹽政特命內監楊某督理楊專以苛急為治君季

弟會承事獲罪而亡君以諸生逮獄備嘗五毒終不

肯言季所在為行千金賂楊月餘乃得釋季由是家

落嘗望君君曰弟良苦我何忍其獨困復以已財之

半分之君子孫賢達衆多人皆以為孝友之報予既

按狀誌君而復銘之曰古之人忍死以護其君父君

子以為難企况身備五毒而以庇其弟又况乎不責

報而且分財以惠之者乎大銅山之原楊子之濫吾

意其下可容萬家以待君子孫車馬旌旗之棣棣夫

有德而昌者天也而今而後可歸功于地

秦燈巖曰敘法變化超忽確有法度非復法度可

言於六一半山更當出一頭地也

喬孚五曰古之以文傳人者不在多敘美行只將

一二大事上出得精神其人便足千古此意唯左

邱明太史公知之今人便須賣菜求益耳

魏叔子文集

誌

卷十八

喬君三

墓

○○文學陳君暨配馬孺人墓誌銘

陳君諱若忠字叔顯別號鈍孩娶同縣馬氏君生萬
歷癸巳九月距其卒六十有九年孺人生後君一年
其卒後君九年年七十有七孺人既沒之十一年庚
申君孺人葬有日矣余客吳門故人陳勳介其第四
子啓澄以狀來乞銘按狀陳氏自學諭萬三公宋建
炎中扈駕南渡家于吳之上保邨代有間人至葦川
公諱霽以甲科歷官國子監祭酒霽之兄諱震君高
祖也震生遜公遜生與義公與義生來觀公是爲君
魏叔子文集誌卷六陳君一享

父來觀公六歲而孤無所倚乃徙松陵依二姊氏長
游黌序資生于館穀門祚淺衰君生而眉宇軒朗儀
觀偉然弱冠補弟子員刻志好學下筆數千言立就
久困場屋中而氣益壯性剛方少許可不爲希世取
容有非禮事恆面折人雖貴富親屬不爲屈沈少參
正宗延之教子弟值督學科試少參欲先爲之地君
艱然曰故人知君君不知故人耶撫軍王公永祚爲
少年交旣貴不與通明季文社大起吳浙間千百爲
羣其最才者乃能遙通朝政執有司之權意氣揚揚

遊。遊。都。市。中。君。竟。不。與。戒。子。弟。曰。徒。長。浮。競。非。士。林
所。宜。也。居。家。孝。友。授。徒。暇。則。急。趣。省。來。覲。公。視。寒。暄
猶。孺。子。有。鄉。先。達。宦。金。陵。具。束。修。百。金。造。廬。請。君。爲
子。弟。師。君。以。其。與。季。有。舊。怨。辭。不。就。曰。吾。不。可。以。向
利。而。背。親。也。晚。遭。兵。火。四。壁。蕭。然。吟。誦。不。輟。所。著。有
藝。圃。十。卷。周。易。不。可。遠。六。卷。彌。留。日。指。周。易。謂。兒。輩
曰。吾。所。以。遺。後。人。者。此。書。耳。馬。孺。人。性。慈。樂。周。人。急
見。飢。寒。者。輒。損。己。衣。食。之。初。嫁。時。資。裝。甚。豐。坐。是。蕩
然。無。遺。留。者。事。翁。孝。嘗。脫。簪。珥。典。衣。以。奉。滫。瀡。既。老

魏叔子文集

誌

卷六

陳君二

五

垂。涕。謂。諸。子。曰。吾。年。十。九。歸。陳。事。而。祖。者。二。十。有。七
年。事。而。祖。妣。十。有。四。年。事。而。父。五。十。年。日。夜。戰。戰。不
敢。少。怠。安。幸。尊。卑。內。外。無。一。言。加。我。以。至。今。日。年。七
十。餘。且。暮。將。從。而。父。于。地。下。汝。輩。其。立。行。成。名。以。慰
我。也。生。子。五。啓。洪。縣。諸。生。娶。沈。氏。無。子。早。卒。以。啓。潤
子。之。柄。嗣。啓。淙。府。學。生。娶。沈。氏。繼。趙。氏。啓。潤。啓。澄。並
縣。諸。生。潤。娶。顧。氏。澄。娶。陸。氏。啓。漢。以。疾。廢。女。一。適。同
邑。呂。光。渭。孫。男。三。之。柄。娶。孟。氏。再。娶。盛。氏。之。梓。娶。呂
氏。皆。啓。潤。出。之。松。娶。西。沈。氏。啓。澄。出。孫。女。五。一。適。趙

啓宗出一適同邑顧濶一許孫皆啓濶出一適長洲
徐昌烜 一適同邑錢碩果皆啓澄出年月日啓
淙等合葬考妣于胥山青銅塢祖隴之旁而予爲之
銘銘曰直而介唯丈夫之德慈而順唯女婦之則合
葬而銘之以貽後人惟孝子之罔極

袁爾康曰法度整飭而敘事多灑落之致于生沒
處又變一格

魏水二文集

卷二 陳君三

五

○○吳母李孺人墓誌銘

休寧吳母李氏吳君禹存之配也吳李竝縣著姓初
吳求婚于李翁李使宗戚數人陰詣吳視婿客晨到
門禹存時年十二同諸兄弟戲見客悉走退獨禹存
留揖讓客客問宅上有欲議婚李氏者誰耶禹存揖
曰小子是也客皆笑歸爲李翁述之曰有黑癥兒能
肅客頗厚顏面李翁喜曰是兒侗儻不凡有東床坦
腹之風立遣人許吳氏母年十八歸禹存性柔靜姑
嫜娣姒皆賢之禹存少壯時竊自豪好交遊生計日
魏叔子文集誌卷十八吳母一 臺

困不能自舉貨意氣無聊欲出身爲富人持籌算母
聞之不食流涕謂禹存曰君旣不能讀書求顯親揚
其名卽服賈奈何不自立欲爲人備驅使耶君計果
出此妾請先歿不忍見君爲辱人也禹存大感悟母
更發篋中廢簪珥資餽粥禹存閉戶讀書一年遂通
詩書大義貧益甚復徵貴賤之術家以漸饒姑病三
載母親奉湯藥厠膾必手浣勞苦久不懈小姑姑所
愛也嫁汪氏早歿遺男女各一人姑彌留時撫兩甥
不舍去母曰姑無慮此二雛爲也當如婦出腹子耳

目遂瞑。二甥既嫁，娶男猶依禹存。以居一日，禹存謂母曰：「吾夫婦且老，吾卽世，兒子輩于中表，貌耳能復令同居食乎？吾欲及吾生分財別爨之，何如？」母艷然曰：「噫！君何言與？往姑目未瞑，吾與姑有言矣。吾未歿而分異，吾歿何面目以見吾姑？于是禹存爽然自以爲失言。母卒，年五十有八，生萬歷之戊午，蓋與禹存同年生云。生子三：長扶陽，娶項氏，次搏陽，娶張氏，三抱陽，娶朱氏女。三人適洪氏者，早歿，次適黃氏，程氏男孫。幾人年月日，禹存命其子卜葬某地，扶陽等奉魏叔子文集志卷十八是母二 晉

狀乞予爲銘。嗚呼！婦人孝姑，順夫子，勤於家，執儉，此其常德也。母特達負志氣，與禹存足相配。至其老翼女，妹之子不忘先姑之一言，有烈士風爲足多者。銘曰：而不忘而姑之女之子，是以而沒地下六年矣。而夫不忘而若此，爲予言淚泚泚，葬之吉兆，虛其比子孫饗之千萬禩。

門人吳正名曰：「只就嫂氏一二大過人處寫出其

他常德，用數語了之，愈覺精神奕奕。

○朱太宜人墓誌銘

歲己未之八月新安朱氏程太宜人年七十有五告
終於吳門之寓室長子昌周治喪事禩耐衾襲哀奠
成禮將奉柩以返故鄉次子昌緒佐軍事荆辰間方
自奮于功名之會鄉里榮之而昌緒以未及親舍殮
爲終天痛聞訃奔趨追及母柩於新安之月潭臨棺
晝夜哭嘔血久之兄弟相與謀曰吾何以報吾母哉
聞之有文爲不朽使吾母懿行得傳於世其可矣越
六年庚申禧就醫吳門昌周昌緒介其宗人之赤以
魏叔子文集誌卷十八朱太宜一夏五
狀來乞銘禧辭不獲謹按狀太宜人出發源程氏及
笄而繼室於朱翁就之事舅姑謹姑病篤弗肯進藥
太宜人乃祈天願以身代死私割股肉食姑病遂瘳
旣而姑得其狀執太宜人手相痛哭就之翁以治生
多客外及母卒奔還則一切喪禮皆太宜人獨力辦
具不以煩翁與夫子姑旣沒太宜人事翁尤謹翁所
需每先意承指飲食必親嘗服必手衽翁嘗笑謂姻
戚曰吾得子婦乃勝於生女故其將沒也獨以幼子
屬太宜人焉就之翁旣不得卒制舉業嘗自恨太宜

人竊窺其意故課二子最嚴日就外傳夜則必令覆
所誦習以爲常二子讀書聲與紡績聲相聞鄰里聞
之皆曰是母道而兼父道者他日必昌其門無疑也
昌周年十五隨父經紀外事太宜人誠以無因賈廢
學昌緒年十五補丹徒縣弟子員甫娶婦輒令從師
就僧舍學歲時一暫歸定省就之翁戲語太宜人曰
古稱嚴父慈母吾兩人殆反此矣已酉昌緒以恩貢
生卒業北雍比還而就之翁卽世太宜人秉家政者

又十有五年督昌周兄弟益密有過必長跪受杖太

魏叔子文集

誌

卷十八

朱太宜人

墓

宜人以勤儉率下然訓子孫過嚴御婢獲則和易而
有恩肅賓祭必豐服食則必簡躬自操作垂老不變
昌周兄弟或以爲言太宜人不悅曰作家與爲學同
老而不學則智日損老而不勤儉則家日削汝曹其
欲我慎始而墮終乎然大義所在及利濟人物事輒
命二子竭力爲之曰吾戒汝節約浮費耳豈願汝作
田舍翁耶丁巳太宜人身率兩孤奉就之翁木主祔

新安祠廟捐千金爲蒸嘗費就之翁弟姪多幼孤翁
與太宜人撫育教養之至于成人其後翁弟子又十

歲而孤太宜人命昌周曰汝忘汝父之蓄諸孤乎今
其事在汝矣昌周兄弟受命鞠其弟惟謹嗚呼母生
萬歷三十有三年天下承平財物豐阜新安大家巨
室尤以奢靡稱大江以南而太宜人終始恭儉嚴門
內之則其昌于而家子孫賢達眾多豈不有以哉太
宜人生子二昌周侯選知縣昌緒部主事俱娶黃氏
孫三明倫明儀昌周出明志昌緒出孫女五昌周出
者三昌緒出者二太宜人少就之翁十六歲享年之
數並七十有五人以爲同德而齊年云太宜人舉孫
晚長孫明倫年十四猶與太宜人同臥起若不知有
父母然者銘曰朱氏之四世惟母是恃人知其難至
也恭儉之德老而不忘迺惟朱氏百世之所以昌惟
我誌且銘幽宮之石以顯示於後人

曾止山曰敘事典樸而氣體鬱然如崇山之繁育
動植此濶於古者知之

○萊陽姜公偕繼室傅孺人合葬墓表

公諱垓字如須山東萊陽人高祖諱淮方田得田中
金家以大富曾祖諱拱國子生祖諱良士父諱瀉里
俱縣學生博學好古瀉里公以仲子塚貴封禮科給
事中崇禎癸未殉萊城難贈光祿寺卿賜祭葬建祠
謚忠肅生四子公行三母楊太夫人憐愛之家中落
手織小兒冒賣錢易果餌啖公公每髮曰母不食兒
亦不食常舍去十歲屬文十六能詩賦邑宋侍郎攻
一見奇之曰恨不早識姜叔子膠州高侍郎宏圖贈
魏叔子文集表卷十八姜公一頁

以詩相器重丙子公年二十有三舉鄉試第七初隆
慶丙子良士公鄉試擬元主司置第七房考官不悅
忤主司意竟黜之及公中式如其名數人皆異焉庚
辰成進士出徐文靖公沂門壬午授行人司行人秋
爲房考官得士十二人是年奉命陪祭山陵公仲兄
亦以給事中從時人榮之公在司見紀名碑崔呈秀
阮大鍼等與魏公大中同列草疏極論上以爲有關
風礪命工部劾其名時邊疆多故有大璫某畜禍心
公疏請誅之不報而是冬給事公亦以劾執政下詔

獄受杖。公方病臥牀。聞兄赴錦衣衛。驚起。走出一足。未及履襪。行里餘。從者取履追着之。給事受杖氣絕。公含溺吐口中。得活。日奔走營救。夜草臥堂上。地竟其獄未嘗入內。寢時初生子。寓節甫十月。公愛之甚。繼室傅孺人命婢抱持向公。公輒揮去。未幾萊陽陷。公號泣累日。曰。吾父性忠節。必與城偕亡矣。已而計問家屬死者二十餘人。公上疏請自就繫代兄出治。喪臺省亦交章請。上語閣臣曰。塚非獨子。固有弟。垓在公。於是徒跣奔喪。旋挈家至揚州。甲申遷蘇州。魏叔子文集表

卷十八 姜公二

是

聞國變。公慟悼不欲生。太夫人日夕守視。凡池井處皆塞。其門傅孺人乘間言曰。君卽死。妾有老姑。在不能從。雖然。君官小。又不。在位。卽無死可也。且聞之。忠臣不取其身之不死。而取仇之不報。君奈何以一死塞責乎。會南京再建馬阮。與大獄。下檄關津所在。緝公兄弟必殺之。公亡命。溯東。旣多所建白。不得行。遂隱天台。鴈宕山中。自號竹石山人。已還蘇州。閉戶不交賓客。間與二三遺民賦詩談文史。自號明室潛夫。公旣多憂傷。善病。庚寅下血。又潛之萊陽。營葬忠

肅公以下四喪病益甚癸巳二月二十四日卒距其
生甲寅享年四十時傅孺人年二十有九痛哭大呼
曰吾早知君年促不獲展其志奈何勸君苟活爲數
氣絕欲自經既見寓節啼曰兒年十二多病我死兒
何以生乃自釋菲衣惡食延師以教寓節學旣成公
門下士貴者貽書寓節欲令補諸生孺人曰汝不見
父遺命乎且吾所以不死非願汝能富貴我也卒謝
之身日夜操作以易膏火者十年疾作癸卯十一月初
八日卒享年三十有九孺人上元人性慈惠自幼
魏叔子文集表

卷十八

姜公三

墓

及長未嘗傷一物命出一不善言與公相敬愛終身
無失色公初娶孫氏死萊陽而傅孺人先後同公死
吳門故合葬於風村之竹塢壬子九月寓節來言曰
寓節不幸喪父母早多外侮勉學舉子業今以諸生
升國學矣負吾母言嘗自痛獨是先人認行不獲傳
後世寓節罪益不勝誅敢奉狀再拜以請賜之大文
鐫諸墓門之不禱與寓節友善又嘗讀公詩沉鬱離
憂無愧三百篇之旨故不敢辭表其大者如此

徐禎起曰節節生氣又段段連綴不斷段落最妙

○○文學黃君墓誌銘

黃氏遠祖金紫公挺仕宋爲朝散郎權吏部侍郎驍騎尉紹聖中遷吳縣聚塢山遂世爲吳縣人傳十八世至希文公生履素履和而公天姚顧撫二子若節五十餘年履和公配徐氏子三甲子之七月七日是生文學君君諱修字人闇行一勤于學試郡縣有聲會甲申國變時多亂徭役繁重君已娶許孺人嘆曰吾年二十有一旣婚冠爲成人豈可獨貽親憂耶旣遷光福內外事悉身任之不辭勞瘁里中有大疑難

魏叔子文集

誌

卷十八

黃君一

三

大徭役咸咨度于君而行己亥丁外艱服闋補吳縣諸生踰年丁內艱並哀毀盡禮未幾以錢糧註誤奏銷然益好學篤愛昌黎文篋中置四子書及詩經出入必偕曰此根本不可忘也君仲弟出嗣伯父君悉以家產均分之其嗣父產盡以歸仲叔弟生二月而背父君長養成人受分薄君嘗以己產所入益之有誘二弟以非禮者君盡力排擊不避嫌怨有外侮雖危疑必力捍衛卽二弟未嘗盡知嘗歎曰所以待吾弟道固宜爾吾不慮其怨我而不爲亦不望其德我

而爲之吾可以見先入于地下已矣他何求哉顧氏
妹早卒遺女甥一君迎歸撫養爲擇配凡族戚故舊
吉凶事及貧不自存者君悉仗助之至于重建東岳
行宮以利賴一方之民梁水施藥殞瘞死者又不勝
舉云君卒年五十有六後其生之日凡五月十有
二日子一中堅府學生娶許氏女二一適長洲文學
許蔚一許聘王奕頤文恪公鏊七世孫也孫男一錦
麟孫女一許聘丙辰進士內閣撰文中書舍人顧君
焯長子君長尺牘婚友問遺之言皆有意致好蓄古
法書初學趙臨川董北苑小楷及孫過庭艸書晚乃
參學聖教序雲麾將軍兩家所摹畫得其筆法讀書
有得卽筆記之編曰碎錦藏于家方君病時嘗取老
莊等書與子中堅講說曰吾于病中頗悟元理吾儒
言定而后能靜老子言嘗清靜而釋氏亦言禪定三
教之旨往往而合又言趙清獻守己四箴言約而義
博皆持身處世之道又言楊忠愍致命時所言思深
慮遠當奉以爲家法汝其毋忘子中堅旣能讀其父
書年月日將葬君某處自爲狀介姜君奉世乞銘于

予予乃按狀述次而銘之曰惟君積學能文惜也而埋諸地下惟君有子乞文以傳諸地上地下地上終令望繩繩子孫永不忘

鄒幼圃曰敘事絕去蹊徑以生卒暗作篇中照應此法在臨川集中亦不多見矣

曾止山曰簡而要能使著緊處精神奕奕自是老手

魏叔子文集

註

卷十八

黃君三

三

曾止山曰簡而要能使著緊處精神奕奕自是老手
此法在臨川集中亦不多見矣
鄒幼圃曰敘事絕去蹊徑以生卒暗作篇中照應
此法在臨川集中亦不多見矣
曾止山曰簡而要能使著緊處精神奕奕自是老手

○一 一品恩蔭太學徐君墓誌銘

君姓徐氏嘉興縣學生初諱趾生字朱草旣以嗣父
吏部尙書諱石麒公恩蔭入太學改名柱臣字貞侯
先世具尙書墓誌初君本生祖莪蒿公與贈尙書心
虞公同父兄弟尙書公少時有故交詒公代試武塲
者取解首事發心虞公大懼思有以全愛子不得莪
蒿公遂挺身出代繫囹圄者二十年尙書公脫身遠
游數年事稍解尙書隸籍青浦至萬歷壬戌登第獄
始釋莪蒿公之代繫也事連南浙兩臺使者交檄轉

魏叔子文集

誌

卷十八

徐君一

真四

繫公君父漢水公徒步職橐籥重趼流血君方伋抱
中備嘗困苦九歲喪母褚孺入漢水公提携就食轉
徙不常然能奮志自力于學年二十補弟子員有聲
時尙書已登仕籍君未嘗持一牘干進有司及他請
謁嘗謂子功變曰吾兩世先人遭大難吾身受摧折
俱不忍道讀書佛寺十五年一門無樞冬無緇火未
嘗不發憤至樂而忘憂也言已泣然君自負其學取
一第如拾未幾國變遂謝去先是尙書無子有武水
同姓子因緣門下尙書南北宦游家政大小悉屬綜

理崇禎壬午尚書繼室馮夫人卒繼嗣未定同姓子
擅發喪以己名爲後時尚書掌刑部以失讞熊公開
元姜公塚獄罷官閑住歸至淮聞之飛書當事及所
親言是子非族類不可以主宗祧迺遣歸立毀前議
更定訃文申明立後之義告諸祖廟而立君爲嗣既
念同姓子成勞以爲古人有養子之例命並子之明
年南都建號公晉吏部尚書又明年尚書公殉節圍
城君冒險求公遺骸時殺人如麻橫屍流血于路君
徒步窺身其間晝伏夜行奉公柩歸葬君旣痛尚書
魏叔子文集 卷十八 徐君二 五五
死忠益閉戶不出不逞之徒動以義士頑民相誚讓
撼君于風波者垂三十年始定凡盜賊水火獄訟相
連及幾滅門者再喪身者四而左臂以求尚書遺骸
時爲箭所傷血出過甚每西風作則負痛呻吟不自
勝享年六十有四娶胡氏子功燮娶嚴氏次震美娶
朱氏女一適吳孫男女各一皆震美出君束身儉約
性醇厚生平無玩好口腹之欲妾媵之娛惴惴小心
不敢以顏色先人與人言未嘗道人過語人帷簿事
與同里施君博俞君汝言爲同道交博覽古籍自六

經子史旁及二氏天官地理百家之書無不究焉嘗以李盧中書自占曰吾之生歲在甲寅庚午之月丙寅之日時維戊子大運丙爲比冲午流年丙爲比爲劫財幫日辰太甚丁又爲幫雖陰火不及陽之剛烈然非佳兆也丙丁之歲吾其殆乎丙辰冬君病丁巳正月五日卒年月日君二子將葬君某地功燮介吾通家子俞炳以狀來乞銘時余養疾吳門功燮居距吳門吾餘里年踰四十未嘗一至于是詣子乞銘乃至遂不辭而爲銘曰君少丁家難壯遭國變身爲魏叔子文集

誌

卷一八 徐君三

墓

貴胄未嘗有一日之宴遂坎壈以終然且歿身而無怨君臥地下且仰面有君有父克靖獻

秦燈巖曰只平敘家常事便有淒風四集之意以星命掉尾事奇而文亦奇矣

○處士俞君墓表

歲己未之七月嘉興俞君右吉年六十有六以病卒其十二月君子炳奉君葬于慶豐橋之左明年子客吳門炳以通家子奉狀來乞表君墓門往予客嘉興曹侍郎所君日日過從相與博論古今治亂人物甚合予嘗訪友數十里百里君未嘗不偕時君方授徒朱氏蓋輟講誦而從子者旬有餘日君性剛臧否人一出于直道不避嫌怨予嘗謂君子脫遭時遇主冠柱後惠文不足道也別十年而君死矣知己之感人

魏叔子文集

表

卷十八

俞君

墓

才衰謝之感怒焉有傷于子心今其子請表君墓何辭君諱汝言俞氏先世失其譜九世祖諱安曾祖諱誠祖諱楨父諱瑞徵生君于海鹽之于城行二君生四歲而背父十一歲背母從兄徙嘉興府孤苦力學年十九補秀水諸生試輒冠一軍餽君雖工制舉業而好古學觥觥以古人自期于書無所不讀各動四方事有疑難不能決者人恆取決于君他日利害畢如君指人故服君經世才不獨以文學也君家貧嘗無隙宿春而浩然自得族父富無子序當立君族

人冀其產者欲爭立君卽謝去知舊仕宦者君不通
干謁或禮請賓之間一違君迺資以游燕趙韓魏宋
衛閩粵之鄉越雲中鴈門故所搜羅載籍益富讀所
不見書歸而閉戶著述漸川集十卷先儒語要六卷
京房易圖晉軍將佐表禮服沿革漢官差次考宋元
舉要歷紀年同聲錄崇禎大臣年表卿貳表明世家
考寇變畧兪州三述補品級廣考西平縣志嵩山誌
謚法考補雙湖雜錄本艸摘要晚又以春秋四傳互
有異同皆各據所見非聖人本指乃廣搜百家書書

魏叔子文集

表

卷十八

論君二

夏

夜討論擇其確當者以釋經義著春秋平義十二卷
四傳糾正一卷君坐是兩目失明然猶令人口誦諸
書君口授所見使筆記之遂病篤以至死嗚呼惜哉
君貌肥短簡率不修威儀予嘗與君論文言之傳
後世者中必有物結聚沈錮而不可解如牛之有黃
凡大言小言觸處竝見有不知其然而然者君頷之
曰然然他日偶閱一各士文以示君曰何如君覽未
竟鼓掌大笑而旋曰此文無黃子亦相與笑而罷其
天真爛漫如此君娶范氏生一嗣女一繼室顧氏

范氏孫男四人

徐敬可曰崑敘漸川好學之勤而人品經濟互見
寫得奕奕生動神采儼然

張秋紹曰敘事敘言敘情俱跌宕可喜得韓馬少
監墓誌銘遺韻右吉在焉呼之或出

范叔子文集表

卷十八 命君三

真

○處士華君墓誌銘

君諱瓏字龍叔性純孝天啓甲子母錢卒君時年十三勺水不入口者數日父振玉公手調食食之乃食哀毀逾禮服闋猶嗚咽不忍除事振玉公孝養無方家貧嘗嘆曰啜菽飲水以爲孝此自其親言之耳于入子心豈安哉竭力謀甘旨甚備父讌客坐臨戶君數數起問得無風乎其叔父酒坐見之歸語子弟曰爲人子不當如是耶父卒哀甚曩時粥產以襄事不復爲飢寒計更念生不能盡養當求所以顯揚其親

魏叔子文集

註

卷十八

華君一

墓

傳世而行遠者莫如文章乃乞言于當世之名公鉅

卿以文名海內者又念書法不工不足稱其文乃廣

購歐陽率更書翦綴成篇一字一畫皆手自營緝歷

寒暑窮晝夜之力而後成先是君續編家譜曰守固

譜守固君所自號取固窮之義也自十六世以上誌

傳具存獨闕六世祖樂靜公誌君多方求之不獲人

或給以某處曾見之君冒風雨立往尋訪步走數十

里不得亦不悔也既十餘年竟于族孫所得之遠祖

栖碧公曾建春艸軒以奉節母元張潞公蒼爲之記

文待詔徵明作八分書勒石十九畱隆亭已散失君懸重價購之不獲後僦得于荆溪澄江或出之楷半井竈間亦積十餘年始全華氏世家家藏古名人墨蹟最多若鄭提舉元祐作孝子祠記黃文獻潛于尙書文傅危叅知政事素貢尙書師秦曾進士堅所作貞節堂記序詩銘倪侍御敬作三省齋記盛邑令琦贈三省公詩而君祖父栖碧公書畫三省公春日寫意圖及八十不稱壽詩卷並有名賢詩詠題跋樂靜公京邸家書一冊諸世守外散佚他所著君悉典衣

魏叔子文集

卷十八 華君二

區

質錢購得之或故高其值以要君不恡也曰是豈有價乎特葺係墨閣敬藏之嘗言吾每一展視如見列祖之音容聞謦咳雖得火齊木難不如得先世一字也君子兄弟友愛居常討論經史或展玩法書名畫竟日夜不倦其伯兄季弟死皆極哀勞營喪葬君姊妹三人伯姊適王氏貴顯仲適鄭盛年而寡季適亦鄭氏酷貧君歲時禮之如一于二鄭恩意有加焉叔姊疾病指少子鍾禛謂君曰以累弟君遂巡不敢承叔姊曰毋惟弟不負我君許諾遂瞑時鍾禛方七歲

君護視惟謹而以女字之曰使吾家人內外皆親是子也季姊貧日甚君割屋居之日用資焉伯兄子年相若以鴈行蓄之仲兄子幼孤尤加憐愛爲畢婚娶事君嘗曰兄弟暨諸子皆吾祖父一體所分遺吾不敢忘祖父敢薄兄弟哉晚年自稱華坡居士名所坐室曰虛白集古人語爲榜題曰與世淡無事此生閒有餘年六十二以病終時癸丑六月六日也男子六人章志己亥進士內閣中書舍人候闕主事娶王氏

繼室蔣氏次章善娶王氏繼室陳氏章斐娶葉氏永

魏叔子文集

誌

卷十八

華君三

墓

錫吳縣諸生娶顧氏章發娶黃氏竝王孺人出章平側室周出女四一適浦流聲一適諸生鄭鍾禔一適太學生吳涑竝王孺人出一幼周出孫男七人章志出者三克家亢宗竝縣諸生亮宸太學生章善出者三章斐出者一俱幼孫女八人君行誼大者在孝其先祖手澤所遺終身求訪勞費不訾至老死而不懈君死之前日言不及他唯舉先世翰墨命章志曰此世澤也汝慎守之按華氏之初宋微子十一傳至考父食采于華因以邑爲氏晉義熙末孝子寶父歿于

王事遂終身不冠婚南齊詔表門閭十八傳至都尉榮仕宋徙汴梁又三傳至承事原泉扈蹕南渡復居隆亭今無錫華氏始祖也七傳至都事鉉妻陳以節孝聞元至正間詔表其門遷傳至懋韓公明初徵孝廉多著述鄉人私謚孝通先生自隆亭遷蕩口是爲蕩口始遷之祖再傳至樂勤公與叔三省公宗康節齋公楷是生君高祖樂靜公慈曾祖仰靜公欽訓祖玉菴公元祥父振王公自明振王公配錢孺人生丈夫子四而君爲叔君配王孺人先君卒葬有年矣庚

魏叔子文集

誌

卷十八

華君四

五

申十一月日章志等將啓兆奉君柩合葬于大通橋之蓮葉禱適客無錫章志奉狀四頓首涕泣請銘君墓石禱遣客吳門君與章志皆有交不獲辭君忠信廉于財而寬容愛人嘗困乏向里人華君貸百金或尼之曰若貧甚好爲之葉君笑字君曰守固豈負人錢者卒假之及期君具償子母葉君喜自負知人而君更與葉爲婚姻葉歿君哭之慟曰葉君知我王氏姊避兵君所盜起去以數千金委君曰爲我藏棄久之君亦避盜他鄉轉徙皆橐金自隨歲餘卒歸之而

姊壻太守君不知寄目疑有留金君聞之仰天自誓
遂與太守絕太守卒君爲翼其孤禦外侮焉有族人
以他事誣君入獄者君將訟之其人急請曰訟曲直
無一定安有已時吾與君矢諸天彼此毋相害也君
曰幸甚與設誓而罷其人死有修怨于其子者會章
志舉鄉試乃要君共力擠之君曰罪人不孥况若固
吾木支乎吾已久釋于懷矣卒爲營解家人弗知也
君歿其子感泣嘗爲人道之章志旣成進士功令急
賦稅君戶所輸悉完而縣胥失登籍章志坐是誅誤
魏叔子文集誌卷十八華君五高

除名將訟之或言胥吏舞文者罪至死君謂章志曰
汝莫重一官輕人性命也遂止君生平最好古人名
蹟然遇其子孫雖甚愛必歸之曰吾以爲耳目玩耳
豈若彼爲祖父遺澤哉君一二軼事皆足爲鄉里法
故竝誌于石銘曰蓮葉之墟藏君體酌房根須皆君
子。

鄒幼圃曰子素交龍叔先生嘗嘆孝子之後復有
先生也篇中以純孝爲主末幅點綴軼事須眉如
見而布法繫峭銘更古矍矍然有聲

政教系



525